

JIM VAN TONDERSKOOL

SKOOLREËLS

1. TERREIN

1.1 AANTREE

Die klok lui soggens stiptelik om 07:15. Almal moet onmiddellik stilbly en so vinnig moontlik na hul rye beweeg. Leerlinge staan volgens hul registergroepe in rye.

Na pouse tree die skolastiese seuns op die aantreeblad aan terwyl die dogters voor die dogters sentrums aantree. Sentrumseuns tree by hul sentrums aan. Klaskapteine en prefekte hou die leerlinge stil totdat die onderwyser/es kom. Daar is 2 pouses en daarom moet daar gedurende hierdie tye toilet toe gegaan word. Wanneer die klok na pouse lui, moes almal klaar in die toilet gewees het en dadelik aantree.

1.2 WISSELING TUSSEN PERIODES

Met wisseling tussen periodes, moet die leerlinge vinnig, en sonder om te praat, direk na die volgende klas stap. Leerlinge moet in netjiese rye voor die klas teen die muur (nie teen die relings) staan.

Die gebruik van die trappe moet ordelik geskied.

Seuns mag nie dogters se trappe gebruik nie en andersom.

1.3 TASSE

Tasse moet elke oggend voor skool by die gesamentlike aantreeplek in hul betrokke rye gesit word. Daarna, om veiligheidsredes, moet elke kind sy tas by hom hou waar hy gaan, en self die verantwoordelikheid daarvoor dra.

Tydens pouses word alle tasse by die klas van die daaropvolgende periode geplaas.

Elke kind moet sy eie stewige skooltas hê, sodat boeke nie kan verniel nie. Twee leerlinge mag nie een tas deel nie. Niemand mag iemand anders se tas wegsteek of verniel nie. Slegs die leerling se naam mag op die tas geskryf word (geen slagspreuke en tekeninge nie).

1.4 SPEELTERREINE

Seuns en dogters word beperk tot hul eie speelterreine voor skool en gedurende pouses.

Geen kinders mag in die vierkant, by die voertuie, tydelike klasse, sentrums of by die woonkwartiere van werkers speel nie.

Beweging oor die atletiekbaan en rugbyveld is verbode, d.w.s. seuns mag nie aan die koshuiskant van die rugbyveld speel nie.

Geen leerling mag koshuis toe gaan gedurende skooltyd nie.

1.5 BEWEGING OP DIE TERREIN

Om ongelukke te vermy, moet alle leerlinge wat van en na die koshuis, busse en hek beweeg, aan die kant van die pad, binne die geel streep, loop.

Geen kind mag in skooltyd sonder die toestemming van die senior huisvader of onderwyser aan diens koshuis toe gaan nie. 'n Prefek sal hom/haar dan vergesel. Geen kind gaan alleen koshuis toe nie.

Na skooltyd mag geen leerling by die skool kom tensy hy deur 'n personeellid vergesel is nie.

Leerlinge mag nie deur beddings loop of blomme pluk nie. Geen ander plante op die terrein mag verniel word nie.

1.6 SNOEPWINKEL

Aan die begin van eerste pouse tree leerlinge in rye aan voor die snoepwinkel, en gaan direk nadat hulle gekoop het, terug na hul speelterrein. Leerlinge wat nie wil koop nie, mag nie by die snoepie wees nie!

1.7 NETHEID

Hou altyd die skoolgronde netjies en skoon. Geen papiere mag op ander plekke as in die asblikke gegooi word nie. Alle papiere wat rondlê, moet opgetel word.

2. KLASKAMER

2.1 HUISWERK

Alle huiswerk moet nougeset gedoen word.

Alle boeke wat wegraak, moet deur die leerlinge self vervang word. Geen boeke sal weer verniet aan 'n kind voorsien word nie. Dit bly die kind en sy ouers se verantwoordelikheid om die boek te vervang.

2.2 TOESTEMMINGSBRIEFIE

'n Kind wat gedurende klastyd uit die klas gaan of gestuur word, moet altyd 'n toestemmingsbriefie met hom/haar saamdra.

2.3 KLEEDKAMERS

Kinders moet gedurende pouse die kleedkamer besoek en nie in klastyd nie.

Kleedkamers moet te alle tye netjies en skoon gelaat word.

As die klok gelui het na pouse mag die leerlinge nie die kleedkamer besoek nie.

Soos reeds gemeld, sal leerlinge net in uiterste noodgevalle tussen periodes toilet toe mag gaan.

3. SKOOLDRAG

Leerlinge moet te alle tye netjies en in volle skooldrag geklee wees.

3.1 DOGTERS

Somer : Gryns skoolromp, wit hemp, kort wit sokkies, swart skoolskoene, swart moulose skooltrui, swart skoolbaadjie of "Dri-Mac".

Skoolromp - **slegs die voorgeskrewe 6-baan romp is toelaatbaar**

* **Lengte van romp : soomlyn gekniel 10 cm van vloer.**

Winter: Gryns langbroek met swart of gryns sokkies **OF**

Gryns skoolromp met swart gebreide broekie-kouse of swart/gryns kouse, wit hemp, swart skoolskoene, swart skooltrui, skoolbaadjie, swart "Dri-Mac" - **slegs swart (geen advertensie of logo daarop).**

* **Die langbroek moet ten alle tye met 'n baadjie gedra word.**

Lengte van romp : soomlyn gekniel 10 cm van vloer. Slegs die ses-baan romp is aanvaarbaar.

Gryns/swart serpe is toelaatbaar

3.2 SEUNS

Somer: Gryns kortbroek, gryns kortmouhemp, swart skoolkouse en swart skoolskoene, swart skooltrui, skoolbaadjie en/of swart "DriMac" (**slegs swart**).

Winter: Gryns langbroek en gryns langmouhemp, swart/gryns skoolkouse, swart skoolskoene, swart skooltrui, swart "DriMac" (**slegs swart – geen wapen of logo**). 'n Swart skooldas is opsioneel.

'n Swart "DriMac" sonder enige kleurmotiewe of name daarop, mag gedra word.

Gryns/swart serpe is toelaatbaar.

Seuns wat in hulle finale skooljaar is, mag dwarsdeur die jaar 'n wit hemp met 'n skooldas, skoolbaadjie en 'n gryns skoollangbroek dra.

Mpumalanga baadjies en -dasse mag ook gedra word. Mpumalanga provinsiale baadjies is toelaatbaar.

*Seilskoene, oefenskoene (tekkies) van enige aard **mag nie** by die skool gedra word gedurende klastyd nie. Die Wet op Fabriek verbied die dra van hierdie skoene in enige sentrum.*

Die skool is nie verantwoordelik om skooldrag aan die leerlinge te verskaf nie. Dit is die ouer se verantwoordelikheid.

Die spesifieke snit en kleur van alle skooldrag kan by die skool besigtig word.

3.3 HARE **Dogters**

Hare moet te alle tye netjies en versorg wees.

Hare onderkant die kraag moet vasgemaak word. Lang hare moet gevleg word.

Kuiwe mag nie oor die wenkbroue hang nie.

Wanneer hare 'n permanente golwing het, moet dit in 'n netjiese styl drooggeblaas, vasgemaak of vasgesteek word.

Hare mag nie teruggekam (getease) word nie.

Dogters se hare **mag onder geen omstandighede gekleur word nie**. Indien 'n dogter se hare gekleur is, sal die kleursel verwyder word teen die ouers se onkoste. Daar is geen waarborg dat die hare die regte kleur sal wees na behandeling nie.

Hare mag slegs met òf swart linte, rekkies, knippies of kammetjies vasgemaak word.

Ons **sal** streng hieroor wees en ons verwag die samewerking van ouers in hierdie verband.

Seuns

Ouers moet self toesien dat seuns se hare volgens die voorgeskrewe styl gesny word (nie "steps" nie) **Seuns se hare mag onder geen omstandighede gekleur word nie**. Indien 'n seun se hare gekleur is, sal die kleursel verwyder word teen die ouers se onkoste. Daar is geen waarborg dat die hare die regte kleur sal wees na behandeling nie.

Seuns wie se hare nie volgens voorgeskrewe styl gesny is, of te lank is, sal gewaarsku word, en daarna sal dit teen 'n bedrag van R5.00 deur die skool volgens voorskrif gesny word.

Ons **sal** streng hieroor wees en ons verwag die samewerking van ouers in hierdie verband.

3.4 NAELS

Dogters se naels moet volgens die voorgeskrewe lengte geknip wees (nie langer as die voerpunte van die vingers nie). Slegs kleurlose naelpolitoer mag gedra word.

3.5 JUWELE / VERSIERINGS

Seuns en dogters mag geen juwele of versierings, veral kettinkies dra nie. Dogters mag net een paar ooringe dra (studs of ringetjies). Koshuisleerling kan wel hul sleutels om hul nekke met 'n toutjie dra.

4. **ALGEMEEN**

4.1 BESKADIGING VAN EIENDOM

Teen vandalisme sal baie streng opgetree word.

Indien leerlinge enigets (geboue, meubels, ruite, boeke, ens.) beskadig, word die ouer verantwoordelik gehou vir die vervanging of herstel daarvan. Gelde vir die herstel daarvan word nie deur die staat voorsien nie en ons kan nie ander ouers se geld gebruik om skade wat deur vandalistiese dade aangerig is, te herstel nie. 'n Vandalis se ouers sal dus verantwoordelik wees om vir die skade te betaal. Indien nie, sal daar wetlik teenoor so 'n persoon opgetree word. Praat dus vroegtydig met u kind sodat hy/sy niks breek nie.

4.2 ROOK

Geen leerling mag by die skool rook of in besit wees van sigarette, aanstekers of vuurhoutjies nie. Dit sal gekonfiskeer word, al het die ouers dit voorsien.

Volgens die skool se dissiplinêre stelsel sal daar tot 15 negatiewe punte gegee word indien 'n leerling rook of as enige van bogenoemde in sy/haar besit gevind word.

4.3 BESPARING

Besparing op alle gebiede is noodsaaklik: elektrisiteit, water en alle verbruikbare voorraad. Vermorsing kan tot die verhoging van onderriggeelde bydra.

4.4 KANTOORBESOEKE

Alle gelde moet direk na opening by die kantoor inbetaal word. Indien die leerlinge na die kantoor moet gaan, moet hulle alleen gaan en die ingang langs die saal gebruik.

Ander besoeke moet gedurende pouses geskied.

Niemand bel van die kantoor af nie, behalwe in noodgevalle waar die Hoof of Adjunkhoof toestemming gee. Die munttelefoon mag ook net met die Adjunkhoof se toestemming gebruik word.

4.5 AFWESIGHEDE

Leerlinge moet nie onnodig afwesig wees nie.

Afwesighede moet met 'n doktersbrief of 'n brief van die ouers opgevolg word. Vir afwesighede weens siekte tydens toetse of eksamens **moet** 'n doktersbrief getoon word. Indien nie, sal so 'n kind Nul vir die betrokke vraestel kry.

4.6 RUIL- OF HANDELSTRANSAKSIES

Geen ruil- of handelstransaksies word tussen kinders op die skoolterrein toegelaat nie.

4.7 ONTGROENING

Volgens regulasie word geen ontgroening of inlywing van enige aard toegelaat nie (tasse dra, ens.)

4.8 BAKLEIERY / AFKNOUERY

Geen bakleiery, afdreigery of intimidasie van enige aard is toelaatbaar nie. Daar sal streng teen boelies opgetree word. Niemand mag ander kinders se lekkers of kos afvat nie.

4.9 V.L.R.

Enige probleme wat tydens pouses of voor skool opduik, moet by die V.L.R. of die onderwyser aan diens aangemeld word.

4.10 RADIO'S TV-SPELETJIES, TROETELDIERE, MESSE

Geen van bogenoemde of soortgelyke artikels word by die skool toegelaat nie. Indien 'n leerling dit wel op die skoolterrein bring, sal dit gekonfiskeer word. Geen verantwoordelikheid word deur die Departement, skool, personeel of beheerliggaam aanvaar vir enige luukse artikels wat sou wegraak of gesteel word.

4.11 SELFONE

Leerlinge mag selfone by die skool hê, maar dit moet gedurende klastyd afgeskakel wees. Indien nie by hierdie reël gehou word nie, sal die selfoon by die leerling gevat word en die ouer sal die foon by die skool moet kom haal. Geen verantwoordelikheid word aanvaar vir enige selfoon wat by die skool wegraak of gesteel word nie.

5. **STRAF**

By die oortreding van enige skoolreël sal die leerling op 'n toepaslike wyse gestraf word. 'n Dissiplinêre stelsel wat positiewe en negatiewe punte behels, is in gebruik.

6. **ONDERRIGGELDE**

Onderriggelde soos bepaal deur die Beheerliggaam, is vooruitbetaalbaar. In gevalle waar ouers hul onderriggelde vooruit betaal het en daarna permanent verhuis, sal daar met die leerling se inskrywing by 'n volgende skool die volle oortollige bedrag (vir volle maande) aan die ouers terugbetaal word. Geen terugbetaling sal vir gedeeltes van maande gedoen word nie.

7. **PROBLEME IN VERBAND MET SKOOLAANGELEENTHEDE**

Ouers moet nie probleme wat hulle met skoolaangeleentheid ervaar, direk met die klaspersoneel hanteer nie, maar met die hoof of adjunkhoof. Ouers en besoekers wat die skool oor enige aangeleentheid besoek, moet by die kantoor aanmeld.

8. ONGESTELDHEID VAN DAGSKOLIERE

Onder geen omstandighede mag ouers siek kinders wat mediese behandeling nodig het, skool toe stuur en verwag dat die skool dit moet hanteer nie.

9. BUSSE

9.1 KONTRAKBUSSE

Vir die tydperk wat die leerlinge op die busse is, is die skool verantwoordelik vir hulle in soverre dit dissipline en orde aangaan.

9.2 PRIVAATBUSSE

Die skool dra geen verantwoordelikheid vir leerlinge wat van privaatbusvervoer gebruik maak nie.